





**“ SERO COLORADO
MEMORIAL” TA BAI
CUMINSA PRONTO**



WWW.SOLODIPUEBLO.COM



SOLODIPUEBLO@GMAIL.COM

Aunke cu e sospechoso a desmenti categoricamente

**6 AÑA DI PRISON EXIGI PA DOCENTE CU A ABUSA
DI MUCHA HOMBER DI 9 AÑA**

**HOMBER DETENI NA AEROPUERTO
RELACIONA CU DROGA**



**INVITACION CEREMONIA DI ENTIERRO
NA HONOR DI
SR. JAN HENDRIK “HENNY” ALBERT
EMAN RIBA 13 DI JANUARI 2025**

UNIT NARCOTICA:

**ENTRADA HUDICIAL, UN
HOMBER DETENI Y HOPI
DROGA CONFISCA**



**TUR HENDE CU ENTRADA BOU
DI 64.930 FLORIN PA AÑA NO
TA PAGA IMPUESTO RIBA NAN
ENTRADA MAS DESDE
AÑA 2025**



UNIT NARCOTICA: ENTRADA HUDICIAL, UN HOMBER DETENI Y HOPI DROGA CONFISCA



Diahuebs den dia Unit Narcotica un biaha mas a haci un entrada hudicial conhuntamente cu Team di Aresto . Na un cas na Tanki Leendert a detene e homber di inicial F.F.A.T. di 24 aña naci na Aruba. E detencion ta relaciona cu posicion droga

Durante listramento den dicho cas a confisca diferente tipo di droga; marihuana, xtc, lsd y cocaína.

Cuerpo Policial ta haci un apelacion pa es cu sa algo of a wak algo pa yama e tiplijn di polis cu ta 11141.

Den Memoria di



**Sr. Jan Hendrik Albert
'Henny' Eman**

MAART 20, 1948 – 6 JANUARI, 2025

Sr. Jan Hendrik Albert "Henny" Eman,
Prome y ex-Prome Minister di Aruba.

Condolencia na famia, amigonan y
pueblo di Aruba en general.



ARUBA PORTS AUTHORITY NV
ORANJESTAD + BARCADERA

Durante conferencia di prensa Minister Maduro di Finansa a anuncia: TUR HENDE CU ENTRADA BOU DI 64.930 FLORIN PA AÑA NO TA PAGA IMPUESTO RIBA NAN ENTRADA MAS DESDE AÑA 2025

Minister Maduro di Finansa a tene un conferencia di prensa diamars mainta hunto cu Minister President y ehecutivonan di Departamento di Impuesto pa informa riba un cambio fiscal den cual ta baha e prome tarifa di impuesto riba entrada, di 10% pa 0%.

E cambio aki ta trece cune cu tur persona cu tin un entrada bou di 64.930 florin pa aña no mester paga impuesto riba e entrada aki.

Den aña 2024 e prome tarifa vigente pa categoria di entrada te cu 34.930 pa aña tabata 10%. Den aña 2025 e tarifa aki ta bira 0%.

Esaki kiermeen cu di un entrada, e suma liber di impuesto cual ta 30.000 florin plus e prome categoria di entrada cual ta 34.930, ta keda liber di impuesto.

Hunto ta un suma di 64.930 riba cual no mester paga impuesto riba entrada.



HOMBER DETENI NA AEROPUERTO RELACIONA CU DROGA



Diahuebs atardi personal di Douane durante control na aeropuerto a detene un hende homber cu droga den su maleta.

E sospechoso a wordo hiba na e departamento di Unit Narcotica y na nan turno a cuminsa cu e investigacion.

Ta trata di e homber di inicial J.J.M. di 42 aña

naci y biba na Corsou cu a purba di pasa cu cocaina den su maleta.

No ta descarta cu lo tin mas deteccion den e diano nos dilanti.

Cuerpo Policial ta haci un apelacion pa es cu sa algo of a wak algo pa yama e tiplijn di polis cu ta 11141. Bo ta keda anonimo



NoticiadiCorte

Aunke cu e sospechoso a desmenti categoricamente

6 AÑA DI PRISON EXIGI PA DOCENTE CU A ABUSA DI MUCHA HOMBER DI 9 AÑA-1-

Awe mainta e E homber E. (46) a presenta den Corte pa e caso penal cu Ministerio Publico a cuminsa contra dje. E ta wordo acusa di a abusa di un mucha homber entre 2014 y 2017. E. ta un docente di deporte na un school.

SOLO DI PUEBLO por a compronde cu Fiscal ta haya E. culpabel y a exige 6 aña di prison y tambe cu pa 11 aña, E. ta wordo prohibi di eherce su funcion di docente di deporte na cualkier school.

SOSPECHOSO TA NENGA

Den sala di Corte tabata presente e mayornan di e victima M. y familiarnan. Tambe por a mira familiarnan di e acusado.

Hues a puntra E., kico e ta pensa di e acusacionnan di Fiscal. E. a desmenti di pornografia di mucha y tambe di a mishi y abuso di M. Hues a muestra cu a haya E. cu diferente potret di muchanan. Segun E., el a saca potret di e muchanan homber sin t-shirt pasobra nan tabata train den calor. El a bisa cu un potret, caminda tin un mucha cu carson baha y su atras afor, el a screen shot y a mand'e pa e mucha pa hala su atencion. Hues a bisa cu E. ta un docente di deporte na school. Hues a bisa cu a papia cu un otro docente di deporte

cu tambe ta duna les di deporte. E docente a bisa cu mester ta cauteloso con anda cu mucha. Hues a sigui puntra E. tocante e potretnan y si esakinan ta pa atrae E. sexual. E. a desmenti cu e potretnan ta atrae, sexual.

Hues a bisa cu e mama di M. a haci denuncia y kico E. ta pensa di e denuncia di e mama. E. a desmenti di a abusa di M.

Hues a bisa cu un persona cu tabata core pasantia na e school, a declara na KZP cu el a mira E. ta haci movecionnan sospechoso. El a mira E. a brasa un mucha di patras y a frega cu su parti intimo na e mucha. E. a desmenti esaki. El a bisa Hues, cu tin biaha e sa kraak muchanan su lomba y ta gara nan di patras pero ningun momento e ta frega riba e mucha.

Fiscal a muestra cu E. tabatin chat basta pisa riba sex cu un mucha homber. Segun E., tur esey tabata wega cu nan tabata haci. Segun E., eseynan no tabatin ningun balor sexual. Fiscal a remarca cu tabatin palabranan basta pisa cu ta duna e impresion cu nan lo kier tabatin relacion cu otro. Fiscal a muestra tambe cu E. tabatin un potret di un mucha den baño cu su parti intimo afor. E. a bisa cu el a bay saca e potret y net e momento ey, e mucha a haci asina.

Fiscal a muestra cu e mucha M. hasta a declara cu el a pensa di mata su mes. E. a bisa cu e ta haya hopi lamentable esey. El a sigui bisa cu e por a compronde cu tabatin problema familiar den famia di M. y cu e famia a dicidi di bay Hulanda. E. a bisa cu e no sa pakico M. a declara asina contra dje, siendo cu nada a pasa. El a bisa cu e ta un persona hopi familiar cu muchanan pero esey no ta conduci cu e ta bay abusa di mucha sexual.

MAMA DI VICTIMA KIER HUSTICIA

Mama di M. a hiba palabra den Corte. Por a nota cu e mama M. tabata hopi emociona. El a bisa cu te ainda su yiu ta afecta. E ultimo 11 luna tabata di angustia. Nan yiu a wordo afecta door di acto di E. E mucha tur dia mester lucha cu e angustia y problema psychico. Na yoramento el a bisa cu 4 biaha su yiu kier a mata su mes. E mama a bisa cu for di 2024 e mucha ta sufriendo y ta hayando tratamiento psicologico. Por a nota cu mientras e mama tabata papia, su casa y otro miembronan di famia tambe tabata yora. E mama a pidi Hues pa tene cuenta cu tur e sufrimento aki y pa haci husticia pa su yiu y manda un señal bon cla den comunidad, cu no ta acepta esaki. Continuacion pag. 6

INVITACION CEREMONIA DI ENTIERO NA HONOR DI SR. JAN HENDRIK “HENNY” ALBERT EMAN RIBA 13 DI JANUARI 2025



En conexion cu fayecimento di e prome Prome Minister di Aruba, sr. Jan Hendrik “Henny” Albert Eman, riba 6 di januari 2025, Gobierno di Aruba ta invita pueblo di Aruba pa asisti na e ceremonia di entiero na honor di sr. Eman, cu lo tuma luga riba:

Fecha : Dialuna 13 di januari 2025

Ora : 10:30 AM pa 4:00 PM

Luga: Plaza Henny Eman, Oranjestad, Aruba

Oranjestad, Aruba.

Despues di e ceremonia, e entiero lo tuma luga na Santana Protestant, Caya Ernesto Petronia,

Adres pa condolencia:

Cas di Partido AVP - Avenida Alo Tromp 56, Aruba



**Prome Minister Evelyn Wever-Croes y Gobierno di Aruba,
conhuntamente cu Comision
Despedida Ex-Premier J.H.A. (Henny) Eman**

**Ta invita pueblo di Aruba pa asisti na e ceremonia di
entiero na honor di e prome Prome Minister di Aruba**



**SEÑOR JAN HENDRIK "HENNY"
ALBERT EMAN**

* 20 Maart 1948 - † 6 januari, 2025

Fecha : Dialuna 13 di januari 2025

Ora : 10:30 AM pa 4:00 PM

Luga: Plaza Henny Eman, Oranjestad, Aruba

**Despues di e ceremonia, entiero lo tuma luga na
Santana Protestant, Caya Ernesto Petronia,
Oranjestad, Aruba.**

Adres pa condolencia:

Cas di Partido AVP - Avenida Alo Tromp 56, Aruba

....

Cu Henny sosega na paz.



Aunke cu e sospechoso a desmenti categoricamente

6 AÑA DI PRISON EXIGI PA DOCENTE CU A ABUSA DI MUCHA HOMBER DI 9 AÑA-2-

DEMANDA DI DAÑO

E mama a bisa Hues cu placa lo no drecha e situacion cu su yiu ta pasando aden. El a bisa cu e gastonan ta encera e pasashinan cu a cumpra pa bin for di Hulanda pa haci denuncia. E mama a splica cu, e aña aki su yiu ta haci 18 aña y e no ta cay mas bao di asegurado. Awor ta e mayornan mester bay paga. El a bisa cu psicologo kier interna M. den un clinica pa haya tratamiento contra su ideanan pa mata curpa.

FISCAL

Fiscal a bisa cu e ta cita un frase cu el a topa den e documentonan. “Tur e añanan aki mi a pensa cu mi por a handle pero no a logra, E unico cos cu mi a pensa ta suicidio pa kita tur esaki”. Esaki ta expression di e victima M. Fiscal ta haya cu tin suficiente prueba cu E. a abusa di e mucha M. Fiscal ta haya e declaracion di M. ta confiabel. El a bisa cu e declaracion di M. ta consistente y hopi detaya. Di otro banda tin declaracion di E. cu ta desmenti categoricamente.

Fiscal a mostra cu na Maart 2024, M.(16) a purba mata su curpa. Door di actua liher y intervencion medico, no a yega asina leu. E

mama a cuminsa papia cu M. y a bin sali na cla cu M. a wordo abusa sexual door di E. Fiscal a bisa cu e victima M. a bisa cu e promer biaha cu e abuso a sosode tabata den e camber di cambia paña. El a bisa cu E. a drenta den e camber ora cu M. tabata eyden y a hinca man den carson di M. y mishi cun’e cu su dede y penetre. Tambe cu E. a mishi cu e parti intimo di M.

Por a mira cu e tata di M. y familiarnan tabata yora mientras cu Fiscal tabata bisa kico M. a declara.

Fiscal a mostra cu 30 Mei 2024, bou guia di Hues Comisario a bay haci investigacion na dos cas y a haya diferente computer cu a bay investiga. A haya potret di muchanan bou di 18 aña y ta considera esaki pornografia di mucha. Tin potret di un mucha cu su carson baha. Fiscal a bisa cu segun ley, tur esaki ta castigabel. Tambe el a mostra cu tin combersacionnan “chat” entre E. cu un mucha homber riba di 16 aña caminda nan tabata papia amplio di tin relacion sexual.

Fiscal a expresa cu ni cuanto castigo duna, no lo kita kico a pasa cu M. Fiscal a exige 6 aña

di prison. Ademá, el a exige pa prohibi pa E. sigui eherce su trabao como docente di deporte pa un periodo di 11 aña. Fiscal a pidi Hues pa aproba e demanda di gastonan material di viahe y estadia y e gasto inmaterial di 25 mil florin pa paga.

ABOGADO

Abogado mr. Illes a bisa Hues cu e no ta haya cu tin prueba legal y convicente.

E abogado ta haya cu tampoco tin prueba di sosten. E ta haya cu solamente tin declaracion di e mucha. El a remarca cu Polis a bay haci investigacion na e school pa wak si lo tin mas mucha cu a bira victima. No a haya nada. Esey ta haci cu ta solamente tin e declaracion di M. contra E.

E abogado a bisa Hues cu mester ta hopi cauteloso ora ta evalua e caso aki pasobra no tin suficiente prueba. E ta haya cu tin duda den e caso aki y pesey mester declara su cliente E. liber. El a bisa cu door cu mester declara E. liber, no por aproba e demanda di daño

DURANTE CONFERENCIA DI PRENSA MINISTER MADURO DI FINANSA A ANUNCIA REBAHO GRANDI DEN TARIFA DI IMPUESTO RIBA ENTRADA

E cambio fiscal aki ta trece alivio pa 21 mil hogar y 28 mil persona na Aruba

Diamars mainta Minister Maduro di Finansa compaña pa Minister President y ehecutivonan di Departamento di Impuesto, a tene un rueda di prensa den cual e mandatario a anuncia un rebaho grandi den e tarifa di impuesto riba entrada pa aña 2025.


Prome tarifa ta baha di 10% pa 0% E mandatario di finansa a splica cu pa algun tempo caba tabata trahando riba

e calculonan necesario pa asina por trece alivio fiscal pa comunidad y cu despues cu e analisis necesario a wordo haci, a yega e momento cu por anuncia un reduccion den e prome tarifa di loon- y inkomstenbelasting di 10% pa 0% pa aña 2025.

Alivio fiscal pa 21 mil hogar y 28 mil persona Minister Maduro a splica cu e cambio fiscal aki ta trece alivio pa tur 21 mil hogar cu ta paga impuesto riba entrada. E mandatario

a informa cu segun calculo den 12 mil hogar lo tin un total di 16 mil persona cu no lo mester paga inkomsten-of loonbelasting mas. Den 9 mil hogar lo tin 12 mil persona cu lo bay paga menos impuesto y esaki por significa un alivio di 3493 florin extra pa aña den nan cartera.

Pues un total di 28 mil persona lo ricibi un alivio fiscal cu e cambio fiscal cu Minister Maduro di Finansa a anuncia y decreta diamars mainta.



Partido MEP:

Presidencia di Parlamento a keda den man di señora Gerlien Croes E COMPROMISO DI FRACCION DI MEP DEN PARLAMENTO CU ARUBA TA PA PERCURA CU TUR E TRABOUNAN GRANDI Y LOGRONAN REALISA NO BAY PERDI



– Diaranson 8 di Januari a tuma luga e huramentacion di e 21 miembro di Parlamento nobo sigui pa un reunion publico pa eligi e presidente y vice presidente di Parlamento. Lider di partido MEP Evelyn Wever-Croes como un di e miembronan nobo den Parlamento a indica cu partido MEP ta di opinion cu den e periodo transitorio cu no tin un Gobierno ainda, e presidencia mester bay pa partido FUTURO cu ta esun cu muy probablemente lo forma parti di e siguiente Gobierno.

Lider di partido MEP a indica cu e plannan tabata pa un persona di partido AVP bira presidente di Parlamento, pero den e caso cu partido AVP no logra forma cu FUTURO, e presidencia lo keda un di nan representante te cu

september pa motibo cu no por baha un presidente den interim. Pa e motibo aki e tabata un bon decision pa henter parlamento para tras di e ponencia aki cu pa un bon gobernacion y funcionamiento di Parlamento e presidencia ta den man di FUTURO.

Despues di e votacion cu 20 voto na favor e presidencia a bay pa señora Gerlien Croes. Lider di partido MEP ta desea señora Gerlien Croes hopi exito cu e reto nobo aki. Vice presidente a keda den persona di señora Mervin Wyatt-Ras di partido AVP. Señora Wyatt-Ras lo ta esun cu lo reemplaza señora Gerlien Croes na e momentonan cu e no por ta presente.

Cu e resultado aki, e prome reunion ta tras di lomba y e siguiente



reunion lo ta e reparticion di e representacion den e diferente comicionnan fiho di Parlamento y comicionnan special di Parlamento cu lo tuma luga mas sigur den e siguiente siman, y fraccion di MEP ta cla pa esaki tambe.

“Pa fraccion di MEP e ta un honor di por representa Aruba, y tur e votadornan. Pa mi persona e ta un honor di representa mi 6474 votadornan y pueblo en general y pa percura

pa pais Aruba sigui riba e caminda di estabilidad, prosperidad y progreso. Nos compromiso ta cu pais Aruba y pa percura cu tur e

trabounan grandi cu nos a haci den e ultimo 7 añanan y tur e logronan cu a wordo realisa no bay perdi” Lider di partido MEP a expresa.

Clasificados






SOLODIPUEBLO@GMAIL.COM
CEL. 585 9500



MINISTER THIJSEN A FIRMA REGISTRO DI CONDOLENCIA PA HENNY EMAN



Den Haag – Minister Plenipotenciario demisionario mr. Ady Thijsen a firma e registro di condolencia na Gabinete di Aruba pa ex-prome Minister Henny Eman kende riba 6 di Januari ultimo a fayece na e edad di 76 aña.



Despues director di Gabinete di Aruba Joselin Croes LL.M/M.Sc a firma e registro di condolencia, sigi pa personal di Gabinete di Aruba.



Gabinete di Aruba a habri e registro di condolencia pa ex-prome Minister Henny Eman pa brinda persona nan na Hulanda e oportunidad pa expresa nan palabranan di pesame

na famia di Henny Eman. potretnan ta cortesia di Nota pa redaccion: E Arubahuis

Durante conferencia di prensa Minister Maduro di Finansa a splica cu:

E CAMBIO DI E PROME TARIFA DI IMPUESTO RIBA ENTRADA TA BENEFICIA E PENSIONADO TAMBE

Un total di 17484 pensionado no lo paga impuesto mas riba nan entrada



Diamars mainta Minister Maduro di Finansa a informa comunidad via un conferencia di prensa cu ela decreta un cambio den e prome tarifa di e tabel di belasting riba entrada, tabel inkomstenbelasting, pa aña 2025. E mandatario a splica cu e cambio fiscal aki ta beneficia e pensionadonan tambe. Di e 19876 pensionado di SVB na Aruba, un total di 3001

ANUNCIO BAHADA
INKOMSTENBELASTING Y LOONBELASTING 2025

E CAMBIO DI TARIFA DI IB/LB TA BENEFICIA PENSIONADONAN

Di e 19.876 pensionado di SVB na Aruba, un total di 3001 pensionado no lo paga belasting mas riba nan entrada, y 2392 lo sigui paga impuesto riba entrada na tarifa reduci.

Pensionado's		
10,711	54%	Komen niet in het IB bestand voor omdat ze weinig verdienen
3,772	19%	Betalen nu al geen IB (zitten in de eerste drie deciel categorie)
3,001	15%	Gaan geen IB meer betalen bij toepassing Optie 5 (zitten in decielen 4 tot en met 7 categorie)
2,392	12%	Blijven IB betalen na toepassing van Optie 5 (zitten in deciel categorie 8 en hoger)
19,876		

pensionado no lo paga impuesto mas riba nan entrada. Un total di 2392 lo sigui paga impuesto, pero na un tarifa reduci. Pues desde aña 2025 un total di 17484 pensionado no lo paga impuesto mas riba nan entrada.

“ SERO COLORADO MEMORIAL” TA BAI CUMINSA PRONTO

Minister Demisionario Dangui Oduber ta contento di informa cu tin un bunita proyecto mas cu ta den tramite pa start.

Como parti di a maneho di turismo y tambe historia, na comienso di aña 2023 a colabora cu e comision di Aruba, Outdoor Amenities, huntu cu ministerio di Infraestructura y TPEF a sigui explora e vision pa sigui preserva y restaura nos historia. Den cuadro di esaki a proyecto pa preserva y embeyese e area di bunker riba cero colorado a cristalisa.


E parkeo di e area aki lo wordo restaura, embeyese y tambe lo introduci un “Memorial Area” den cual nos localnan y turista por lesa y conoce mas di nos historia. Mas bien riba e historia di e area, cual ta e Ammo Bunker, Lighthouse y nan funcion tempo di

guera.


Esaki ta un otro bunita proyecto cu tawata tin varios luna caba den preparacion y ta sumamente conento di mira nan bai wordo realisa. Mi kier a duna un aprecio y gradicimento na nos departamento di obra publico (DOW) di pa diseña y encamina e proceso di destaho y tambe TPEF pa kere den e proyecto.

Por ultimo e comision Aruba Outdoor Amenities pa tin e aprecio pa nos historia y cultura.

Trabou nan ta premira pa start pronto y lo dura algun luna. Corda tene na cuenta cu e area den momento nan di construccion. Minister ta hopi satisfecho di mira cuanto proyecto a wordo ehecuta caba y cuanto lo bai cuminsa e aña aki.



AUTO A BAHAMINDA DAL RIBA PALO DI LUS NA PAVIA



Diahuebs atardi a drenta informe di un accidente na Pavia, mesora a dirigi un patruya na e sitio. Na yegada di e patruya a bin compronde cu aki

ta trata di un accidente unda cu un Hyundai i10 a bay dal na un palo di lus. Afortunadamente ningun hende a resulta herida.



MINISTER MADURO TA SPLICA RIBA E DESICION PA REDUCI IMPUESTO RIBA ENTRADA NA COMIENSO DI AÑA 2025

E cambio fiscal aki no ta ‘afschheidsbeleid’

Nos a haci un cambio fiscal grandi cu ta yuda cu e poder di compra grandemente na Aruba. Claro tin algun hende cu no ta contento y ta cuestiona e intencion y e timing di e desicion. Pa nan e siguiente splicacion aki.

Maneho serio na bienestar di Aruba

Nos manera di maneha fondo publico ta uno serio, transparente y semper cu bienestar di Aruba den mente. Desde aña 2018 nos a cuminsa traha riba cambianan fiscal pa crea espacio fiscal pa por paga debe di Aruba y haci inversionan necesario. E maneho serio aki a trece mehoracion grandi den Aruba su finansa publico, a tene Aruba stabiel durante pandemia y awo a crea espacio fiscal cu cual Aruba ta pagando su debe, tin fondo pa haci inversion y tin placa pa por duna alivio fiscal y yuda e poder di compra di e Pueblo di Aruba.

Cada cambio fiscal ta conta cu compensacion. Den nos forma di traha, cada cambio fiscal haci a wordo compaña pa compensacion pa esnan cu mas mester di dje den comunidad. Den e Reforma Fiscal na aña 2019 y den e Plan Fiscal 2023, por ehempel, a baha loonbelasting como compensacion. Awo na comienso di aña 2025 a dicidi di haci un rebaho mas grandi den loonbelasting como compensacion. E ultimo aki a bira necesario ya cu e compensacion den reduccion di invoerrecchten haci den e Plan Fiscal 2023 no a



duna e resultado desea di trece alivio den e poder di compra di Pueblo.

Gobierno su finansa por carga e cambio fiscal. E cambio fiscal aki na comienso di aña 2025 den reduccion grandi den impuesto riba entrada, ta pas den e plachi financiero multianual di Aruba. Esaki kiermeen cu Gobierno tin suficiente espacio fiscal pa por cubri e entrada cu ta bay perdi debi na e cambio aki. Pues e Gobierno actual y esun cu ta sigui, no ta wordo perhudica pa por cumpli cu e norma financiero di 1% di surplus. Gobierno su finansa por carga e cambio fiscal aki.

Timing y intencion di e desicion. Hopi hende a cuestiona e timing y e intencion di e desicion pa tuma e desicion pa un rebaho grandi den impuesto riba entrada na

comienso di aña 2025. Tin hende puntra dicon te awo despues di eleccion ta haci e cambio grandi aki, dicon no a haci e cambio prome cu eleccion y si ta trata di ‘afschheidsbeleid’ pa perhudica otro gobernacion. Manera menciona, trabou y cambio continuo a wordo haci desde aña 2018 pa Aruba por a logra yega na e espacio financiero pa por cumpli cu paga debe, haci inversion y duna bek na Pueblo.

Ora a constata cu e compensacion di rebaho di invoerrecchten den aña 2023 no a traduci su mes den mehoracion di poder di compra na Aruba, a cuminsa traha pa por bolbe baha impuesto riba entrada ya cu un reduccion den e impuesto directo aki ta yuda e cartera y poder di compra di Pueblo directamente. Den augustus 2024 a

cuminsa cu e calculacion necesario cu a tuma su tempo y a logra keda cla fin di december 2024 na unda e analisis necesario a tuma luga y na comienso di januari 2025 e desicion a cay pa bay pa e cambio fiscal aki cu ta yuda poder di compra na Aruba. Pues pa resumi, si e calculacion por a caba mas prome, lo por a tuma desicion mas prome. E unico intencion tras di e desicion aki ta bienestar general di Pueblo di Aruba.

E cambio fiscal aki no ta ‘afschheidsbeleid’ Por ultimo, laga nos aclarea cu e cambio fiscal aki cu ta duna Pueblo en general un alivio fiscal, no ta un ‘afschheidsbeleid.’ Desde aña 2018 nos ta trahando riba cambianan fiscal y prome cu eleccion a wordo anuncia, ya nos tabata trahando riba e rebaho aki di impuesto riba entrada. Aunke ta

trata di un rebaho hopi grandi cu ta conta pa tur pagado di belasting, esaki no ta un cambio controversial, ya cu e ta pas den e trabounan cu nos a bin ta haci desde aña 2018, na unda cu na aña 2019 y aña 2023, ya caba a cuminsa baha impuesto riba entrada como parti di compensacion pa tene poder di compra. E cambio fiscal por wordo carga financieramente pa Gobierno, pues no ta un desicion cu ta bay perhudica ni e Gobierno aki of e proximo Gobierno.

Tur por keda cumpli cu e norma financiero di 1% di GDP na surplus. Ta un cambio fiscal cu ta beneficia TUR pagado di belasting, pues e chens ta hopi chikito cu un otro Gobierno lo kier cambia e desicion aki cu Minister Maduro di Finansa ta autorisa pa tuma basa riba Ley di Impuesto.

E carera politico impresionante di Henny Eman



regresa mesora Aruba pa sigui den politica y mantene e lucha di autodeterminacion bibo.

su team di rescate a pone Aruba riba mapa mundial. Henny a haya admiracion total di tanto Reino como di lidernan mundial pa e rescate milagroso di Aruba cu tabata pasando den su pio momentonan ora el a tuma rienda di e isla aki. Te dia di awe nos tin probecho di su vision, su determinacion, su positivismo y su firmesa. Henny tabata Prome Minister di pais durante tres periodo. Un persona humilde cu nunca a gusta buya, un hende no-nonsense, pero semper skerpi den tuma decisionnan dificil. Su vision ta keda algo legendario. Nos di partido AVP sigur lo haya su falta. Su guia y su consehonan valioso ta keda como ehempel pa futuro generacionnan di politiconan.

Na 1979 partido a haya 1200 voto di cual mas di mita tabata riba nomber di Henny. Esaki tabata muestra cu pueblo a scoge pa e politico hoben cu ideanan nobo. Na 1978 Henny e keda elegi como lider di AVP. Henny a reorganisa e partido den forma structural. A lanta comisionnan, a institui un archivo di miembrecia y a logra haya esnan cu a bandona partido bek. E cantica 'Ban Cas bek cu AVP' ta ilustrativo pa e tempo ey. Status Aparte a bin bek como tema principal di partido AVP. Henny no a logra solamente pone su partido bek riba pia, pero tambe su isla natal ora na 1986 el a keda elegi como e prome Prome Minister di pais Aruba, esaki despues di a convence Hulanda y Antiyas cu e anhelo di su pueblo, esta su derecho di autodeterminacion ta algo sagrado.

Aruba tabata pasando den momentonan dificil, pero cu su Plan di Rescate Henny a logra sana e situacion economico financiero y social di Aruba. Rondona pa expertonan capacita riba tur tereno Henny y



Henny Eman ta masha stima y admira pa tur cu a conoce y conoce su historia politico. Henny, yiu mayor di Shon A Eman y Blanche Eman-Hartog a nace den un famia unda politica tabata na ordo di dia. Welu di Henny, esta Henny bieu, su tata Shon A y prome cu nan su bisawelo Cornes Eman ta esnan cu a cende e mecha di e lucha di Aruba su autonomia. Nan a construi e fundeshi fuerte cu a resulta den nos Status

Aparte na 1986. Henny desde chikito tabata prepara pa drenta politica un dia.

Mescos cu su tata, Shon A kende a fayece demasiado hoben, Henny a studia ley na Leiden cu e pensamento cu'n reto grandi tabata ward'e asina e caba su estudio. Na inicio di añanan 70 Henny a haya noticia for di Aruba cu e partido cu su welu a funda tabata confronta problemanan grandi. Tabatin

un kiebro den partido. Henny a bin Aruba pa pone partido AVP bek riba pia y rescata e lucha, e anhelo di ta "baas den nos mes cas" cu tanto e pueblo di Aruba a bringa p'e. AVP tabata kibra. Henny hunto cu Alicia Quandt y Chibi Croes den un triumvirato a guia e partido na 1977 logrando 1 asiento. Despues di eleccion Henny a bay bek Hulanda, caba su estudio cu Status Aparte como tema di su thesis y a

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

ACCIDENTE FRONTAL ORA CU CHAUFFEUR NO CONOSE E CAMINDA NA SABANA GRANDI



Diahuebs atardi a drenta informe di un accidente cu hende herida na Sabana Grandi, mesora a dirigi tanto polis como ambulans na e sitio. bin compronde cu aki ta trata di un accidente unda cu un stranhero no conose e caminda a bay banda robes di e caminda y a bay dal frontal riba e trafico contrario y e cahudffeur a resulta herida. Na yegada di e ambulans nan a atende e victima.

AIRCO DI CAS DI GOBERNADOR A SER CAMBIA



Despues di cu a usa e Cas di Gobernador pa reunionnan di formacion di un posibel gobierno a dicidi pa cambia e airco di e Cas. E compania Pro-Tech tabata encarga pa cambia e “unit” e instala un “unit” nobo Mitsubishi pa fria henter e cas.

Paga bo cuenta
online ta facil

Sea
Abonnement
of Aviso

Pago online,
facil y lihe

SOLO
De Pueblo

Pa hasi pago online pone nomber y adres na
cuenta di banco RBC Sunmax Printing
account # 7700000100152447

FORTALEZA PA FAMILIA

Scirbi pa Pastor Marcel Balootje.

TA TEMPO PA CULTIVA UN BIDA DI GENEROSIDAD

Dios ta stima hende generoso, pasobra asina nos ta demostra, cu nos ta stima nos prohimo, y nos ta stima Dios.

E palabra di Dios ta sinja nos cu nos mester ta generoso, y cu tin gran bendicion den nos generosidad.

Boso lo wordo enrikesi den tur cos, pa ta generoso na tur ocasion, locual pa medio di nos ta produciendo gradicimento na Dios.2 (Corintionan 9:11).

Duna y lo wordo duna na boso, un midi bon yena, bon primi, bon sacudi, cu ta basha over, nan lo drama den boso scochi. Pasobra cu mesun midi cu boso midi cune, lo wordo midi bek pa boso. (Lucas 6:38).

Ora nos ta duna na hende den necesidad nos ta presta na Dios, pasobra nos no tin di spera nada di hende, pasobra Dios mes ta zorg pa nos wordo bendiciona.

Ora mayornan ta bendiciona nan yuinan, nan ta creando e banco di amor den cas cu tur

hogar mester tin, no pasobra nan ta duna, pero pasobra nan ta obedece Dios.

No wak atras ora bo caba di duna pasobra Dios mes lo wak pa bo, y Dios tin tur cos bao di control.

No duna hende nada kibra of danja cu bo mes no ta usa mas, pero duna hende algo bon limpi y hinte manera bo mes lo aprecia.

No montona tesoro pa boso mes riba tera, caminda mot y frustu ta destrui nan y caminda ladron ta kibra drenta y horta, ma montona tesoro pa boso mes den cielo, caminda ni mot ni frustu no ta destrui nan, y caminda ladron no ta kibra drenta ni horta, pasobra caminda boso tesoro ta eynan boso curason lo ta tambe. (Mateo 6:19-21).

Stima bo prohimo manera bo mes, y ora ta na bo alcanse duna sin discriminacion, duna sin corda ayera kico por a pasa, duna cu amor, mescos cu Cristo Hesus a duna su bida pa nos.

Tin cu ta reparti y toch ta

hanja mas, tin cu ta retene mas di loke ta husto, ma tog ta resulta den pobresa. (Proverbionan 11:24)

E hende generoso lo prospera, y esun cu duna di bebe, tambe lo hanja di bebe. (Proverbionan 11:25).

Esun cu ta tene misericordia di un hende pover ta fia Senyor, y e lo page bek pa su bon obra. (Proverbionan 19:17).

E necesidad di hende no ta temporal, no ta existi temporada pa duna, ta tur momento cu nos por nos mester duna, y Dios lo tin nos premio pa nos den cielo.

No haci cos di pichiri, y pensa riba bo so, cu bo mes, pero habri bo curasaon y sea generoso cu tur hende y bo generacion lo ta bendiciona.

Esun cu ta generoso cu hende, Dios lo muestra su mes generoso cune.

Mi tabata jong, y awor mi ta bieu, ma nunca mi no amira e husto desampara, ni su desendientenan ta pidi pan. Semper e ta misericordioso y ta fia, y su desendientenan lo ta bendiciona. (Salmo 37:25-26).

Nos mester sinja nos yuinan duna for di chikito, comparti nan pan cu otro muchanan, pa asina generosidad por drenta na curason, pa nan no lanta como mucha cu curason duro.

Y no laga di haci bon y di comparti cu otro, pasobra sorto di sacrificio asina ta agrada Dios. (Hebreonan 13:16).

Ma ken cu tin biennan di mundo, y ta mira su ruman den necesidad, y ta sera su

curason pe, ta con e amor di Dios, ta permanece den dje. (1 Juan 3:17).

Instrui nan pa haci bon, pa nan ta rico den bon obra, pa nan ta generoso y dispuesto pa comparti.

Duna y lo wordo duna na bo. Sinceramente, Pastor Marcel Balootje.



Clasificados

SOLODIPUEBLO@GMAIL.COM
CEL. 585 9500

Prome Rosario Bibo pa 2025

Dialuna awo 13 di januari lo tin e prome Rosario Bibo pa e aña aki.

Lo cuminsa resa pa 7 or y mey di anochi pa pidi nos mama di Alto Vista pa sigui proteha nos isla, nos casnan di famia y pa paz mundial.

Cada persona por trece tambe su intencionnan personal pa hunto resa pa salud y felicidad spiritual di cada persona. Nos ta bibando riba un isla bendiciona, pero sucesonan den exterior por afecta nos bida diario tambe, manera inflacion, presencia di personanan di exterior buscando un miho porvenir etc.

Comision organisado ta desea e comunidad Arubano un feliz aña 2025 yena cu salud y bendicion di Señor.

Alavez ta invita tur hende pa asisti na e prome Rosario Bibo dialuna 13 di januri proximo pa 7 or y mey na kapel di Alto Vista.

10 di januari 2025
Na number di comision
N. Koolman

Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'esey a manda Mi!" Lucas 4,43

Hesus a bini na mundo pa siña Su discipelnan tocante e Reino di Dios.

Cu Su palabranan Hesus ta proclama binida di e Reino y cu Su actonan E

tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina

nos por ta un instrumento util den man di Señor pa sigui edifica

20 AÑA Y CONTANDO: SHARISSE WEBB-LOPEZ Y JENARA CROEZE TA CELEBRA 20 AÑA DI DEDICACION CU BOTICA DI SERVICIO



Botica di Servicio ta habri aña 2025 cu dos milestone grandi: Sharisse Webb-Lopez y Jenara Croeze ta haci 20 aña di servicio cu Botica di Servicio. Asina mes, nan a cuminsa den 2005 den nan funcion respectivo, Sharisse como representante di bentas y Jenara como apothekersassistent. Sharisse Webb-Lopez a logra desaroya grandemente den su rol den e ultimo 20 añanan, recientemente cabando cu su opleiding y birando un Drogist. Su dedicacion pa excelencia y habilidad di sigui crece den su profesion a haci cu e ta un pieza importante den nos team. Como Drogist, Share ta hunga un rol importante den sigura cu nos clientenan y pashentnan ta ricibi informacion y consejo na nivel di experto, yega na e expectative di Botica di Servicio den brinda e miho servicio na comunidad.

Jenara Croeze ta un parti importante di nos grupo di apothekersassistent, como un di esnan cu mas aña di servicio serca nos den e departamento aki. Durante 20 aña largo, ela demonstra su mes di a tuma su rol cu




seriedad y profesionalismo. E dedicacion di Jenara no solamente ta merece e confiansa di su coleganan, pero tambe di un gran multitud di pashentnan cu ta drenta botica diario.

Sharisse and Jenara, como e resto di nos team ta forma un parti integro di nos famia y sin nan, nos no lo ta unda nos ta awo como organisacion. Botica di Servicio ta extende un palabra grandi di gratitud na Sharisse Webb-Lopez y Jenara Croeze pa nan


tremendo añanan di servicio y cu nos por tin nan pa hopi aña mas. Masha pabien!

Tocante Botica di Servicio Botica di Servicio ta un grupo di farmacia cu 4 localidadnan riba e isla di Aruba.

Durante e añanan, Botica di Servicio a obtene un grupo di profesionalnan den e area di salubridad hunto cu empleadonan capacita pa provee e miho servicio riba e isla di Aruba.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - January 10, 2025

<div>CATOCHI</div> <div>Sorteo # 8444</div> <div>7841</div> <div>1201</div> <div>3637</div> <div>MULTI-X</div> <div>FP</div> <div>BIG 4</div> <div>Sorteo # 7488</div> <div>9765</div> <div>MULTI-X</div> <div>FP</div> <div>10FF</div> <div>Sorteo # 2193</div> <div>5345</div> <div>ZODIAC</div> <div>Sorteo # 6247</div> <div>6973</div> <div>Capricornio</div> <div>LUCKY 3</div> <div>Sorteo # 1177</div> <div>292</div> <div>MULTI-X</div> <div>FP</div>	<div>LOTTO 5</div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>200.000,-</div>
<div>LOTTO DI DIA</div> <div>Sorteo # 6708</div> <div>0 x Jackpot</div> <div>10 x Match 4</div> <div>182 x Afl. 8,00</div>	<div>04-12-13-23-27</div> <div>Proximo Jackpot</div> <div>62.000,-</div>
<div>MINI MEGA</div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div>	<div>Mega Ball</div> <div>Proximo Jackpot</div> <div>500.000,-</div>
<div>MINI MEGA PLUS</div> <div>Sorteo #</div>	<div>Afl. 700.000,-</div>
<div>KORSOU</div> <div>Sorteo #</div>	

FORTALEZA PA FAMIA

Scirbi pa Pastor Marcel Balootje.

APRECIO Y GRATITUD TA TERAPIA DI DIOS



Aprecio ta algo bunita cu Dios ta pone den nos, pa nos por demostra un na otro.

Hopi biaha nos ta pensa cu nos forma di demostra aprecio, mester wordo demostra cu un regalo, pero no tin nada mas bunita cu expresion di un curason sincero,

Especialmente nos como mayor mester corda cu nos yui mester wordo aprecia, y nos ta prome persona yama pa haci esey. Nos mester aprecia nos hobenan pasobra esey ta demostra amor, y tur hende kier ta den un cas caminda aprecio ta wordo demostra na nan.

E problematica di hoben ta bay rond henter mundo, pero abo como mayor mester duna aprecio na henter bo famia.

Hopi biaha nos ta busca ayudo di dokter y psicologo pa nos yiu, pero ta ta un simpel aprecio e mucha mester cu ta sali directamente for di curazon di su tata.

No lubida con Dios Tata a aprecia Hesus despues di e bautismo den riu Jordan, Mateo capitulo 3 ta bisa nos cu e Spirito Santo a

baha manera un paloma y keda riba Hesus, y ata un bos for di e cielonan, bisando esaki ta Mi Yiu stima den kende mi tin goso.

No tin nada mas bunita ora un mayor ta papia bon di su yiu, ora un mayor ta contento cu su yiu, pasobra kico cu pasa bo yiu ta keda bo yiu, e ta keda bo sanger, nunca e por wordo cambia, pasobra yuinan ta regalo di Dios.

Ningun regalo digital, tampoco piedra precioso no por reemplasa e amor y aprecio di un mayor.

Aprecio di Mayor ta habri cielo riba bida di su yiu, ta duna curashi, y yuda forma karakter, ta aumenta estabilidad den e mucha, pa e crece solido den boluntad di Dios.

Aprecio ta bini di Dios directamente for di cielo, pasobra e diabel no tin apresio, tur locual e por causa ta desprecio, pasobra ora un hoben cay den su man, e tin hopi chens di despresa su propio bida (Juan 10:10)

Hopi biaha bo ta haña cu muchanan ta busca amistad di hende grandi pasobra nan kier sinita nan mes aprecia, y na cas den un bida di violencia domestico, infidelidad y inmoralidad, nan no ta ricibi esey.

Aki nos por mira kico ta e balor di Aprecio den Famia.

Mas cu tur cos nos mester ta agradecido na Dios pa tur locual cu E a haci pa nos.

Nos curazon mester ta yena cu gratitud na nos Dios, pa asina nos por expresa gratitud na nos famia, y pa asina un por sostene otro

Duna gradicimento na Señor, pasobra E ta bon, pasobra Su misericordia ta pa semper.

Laga e pas di Cristo goberna den boso bida, tur locual boso haci, haci boso trabao di curason como pa Señor y no pa hende. Sabiendo cu ta for di Señor boso lo ricibi e recompensa di e herencia. Ta Señor Cristo Hesus

ta Esun cu boso ta sirbi. (Colosenses 3:23+24)

Gratitud na Dios ta demostra crecimiento, madures Spiritual, pasobra nos ta realisa cu Dios ta doño di tur cos, y den tur cos e ta misericordioso, E ta libera, y ta duna oportunidad pa cuminsa di nobo, pasobra E ta pordona tur pica y ta duna bida nobo, cambia nos curason, pa asina nos por gosa di e plenitud di bida.

Laga tur hende realisa cu Aprecio y Gratitud ta un forma di biba cu ta bini solamente di Dios, cu nos mester expresa.

Sinceramente, Pastor Marcel Balootje.



1 AÑA DI PRISMA TA E PROME PASO PA PREPARA BO YIU PA DRENTA SCOL BASICO

Oranjestad, Aruba: SKOA su inscripcion pa e programa di “Schakelklas Prisma” ta habri. Prisma pa un programa special pa nos muchanan cu no ta domina e lenguahe di Hulandes.

Kico ta Prisma?

Prisma ta un programa di 1 aña cu ta enfoca ariba e idioma di Hulandes pa asina prepara muchanan cu no ta papia Hulandes mas miho posibel pa nan integra den scol regular exitosamente, caminda Hulandes ta e lenguahe primario den e curiculo.

E programa di Prisma ta evalua alabes e desaroyo academico a base di cada mucha su prestacion di siñamento y tambe nan desaroyo

social - emocional cu ta importante pa nan crecimiento en general.

Con pa inscribi pa Prisma? Por aplica via website www.skoa.aw pa asina inscribi completamente online. Bay riba e website y click ariba inschrijven y despues scoge pa Prisma. Di eynan mester sigui e intruccionnan ariba e website pa completa e aplicacion di cada

mucha. Si tin duda con pa inscribi via nos website por pasa libremente na nos oficina di SKOA situa na Copernicusstraat 11, Aruba durante orario di oficina entre 8am - 12pm y 2pm - 4pm.

Por haya mas informacion ariba nos website www.skoa.aw y tambe por yama nos directo na (+297) 523 1800 durante orario di oficina.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



GOBIERNO DI ARUBA TA INVITA BO PERSONA PA ASISTI NA E CEREMONIA DI ENTIERO NA HONOR DI sr. Jan Hendrik “Henny” Albert Eman

En conexion cu fayecimento di e prome Prome Minister di Aruba, sr. Jan Hendrik “Henny” Albert Eman, riba 6 di januari 2025, Gobierno di Aruba ta invita Bo persona pa asisti na e ceremonia di entierro na honor di sr. Eman, cu lo tuma luga riba:

Fecha : Dialuna 13 di januari 2025

Ora : 10:30 AM pa 4:00 PM

Luga: Plaza Henny Eman, Oranjestad, Aruba


Despues di e ceremonia, e entierro lo tuma lugar na Santana Protestant, Caya Ernesto Petronia, Oranjestad, Aruba.

Adres pa condolencia:

Cas di Partido AVP - Avenida Alo Tromp 56, Aruba

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan

pa compaña nos na un Santo Sacrificio di Misa na misa Inmaculada Concepcion; diasabra 11 januari, diasabra 18 januari y diabierna 24 januari Boso presencia ta altamente aprecia.